

ארבעה לא אשיבנו על הסגירם גלות
שלמה לאדום ולא זכרו ברית
אחים¹⁰ ושלחתי אש בחומת צר ואכלה
ארמנתיה פ

¹¹ כה אמר יהוה על שלשה פשעי אדום
ועל ארבעה לא אשיבנו על רדפו בחרב
אחיו ושחת רחמיו ויטרף לעד אפו
ועברתו שמרה נצח¹² ושלחתי אש
בתימן ואכלה ארמנות בצרה פ
¹³ כה אמר יהוה על שלשה פשעי בני
עמון ועל ארבעה לא אשיבנו על בקעם
הרות הגלעד למען הרחיב את
גבולם¹⁴ והצתי אש בחומת רבה ואכלה
ארמנותיה בתרועה ביום מלחמה בסער
ביום סופה¹⁵ pQ והלך מלכם בגולה הוא
ושריו יחדו אמר יהוה פ

2 כה אמר יהוה על שלשה פשעי מואב
ועל ארבעה לא אשיבנו על שרפו עצמות
מלך אדום לשיד² ושלחתי אש במואב
ואכלה ארמנות הקריות ומת בשאון
מואב בתרועה בקול שופר³ והכרתי
שופט מקרבה וכל שריה אהרוג עמו
אמר יהוה פ
⁴ כה אמר יהוה על שלשה פשעי יהודה
ועל ארבעה לא אשיבנו על מאסם את
תורת יהוה וחקיו לא שמרו ויתעום

Q Marks a place where we agree with BHQ against BHS in reading L.

p We read punctuation in L differently from BHS.

Amos

עמוס

1 דברי עמוס אשר היה בנקדים מתקוע
אשר חזה על ישראל בימי עזיה^{pQ} מלך
יהודה ובימי ירבעם בן יואש מלך ישראל
שנתים לפני הרעש² ויאמר יהוה מציון^{pQ}
ישאג ומירושלם יתן קולו ואבלו נאות
הרעים ויבש ראש הכרמל פ
³ כה אמר יהוה על שלשה פשעי דמשק
ועל ארבעה לא אשיבנו על דושם
בחרצות הברזל את הגלעד⁴ ושלחתי אש
בבית חזאל ואכלה ארמנות בן
הדד⁵ ושבתי בריח דמשק והכרתי יושב
מבקעת און ותומך שבט מבית עדן וגלו
עם ארם קירה אמר יהוה פ
⁶ כה אמר יהוה על שלשה פשעי עזה ועל
ארבעה לא אשיבנו על הגלותם גלות
שלמה להסגיר לאדום⁷ ושלחתי אש
בחומת עזה ואכלה ארמנתיה⁸ והכרתי
יושב מאשדוד ותומך שבט מאשקלון
והשיבותי ידי על עקרון ואבדו שארית
פלשתים אמר אדני יהוה פ
⁹ כה אמר יהוה על שלשה פשעי צר ועל

Q Marks a place where we agree with BHQ against BHS in reading L.

p We read punctuation in L differently from BHS.

Q Marks a place where we agree with BHQ against BHS in reading L.

p We read punctuation in L differently from BHS.

3 שמעו את הדבר הזה אשר דבר יהוה עליכם בני ישראל על כל המשפחה אשר העליתי מארץ מצרים לאמר ² רק אתכם ידעתי מכל משפחות האדמה על כן אפקד עליכם את כל עונתיכם ³ הילכו שנים יחדו בלתי אם נועדו ⁴ הישאג אריה ביער וטרף אין לו היתן כפיר קולו ממענתו בלתי אם לכד ⁵ התפל צפור על פח הארץ ומוקש אין לה היעלה פח מן האדמה ולכוד לא ילכוד ⁶ אם יתקע שופר בעיר ועם לא יחרדו אם תהיה רעה בעיר ויהוה לא עשה ⁷ כי לא יעשה אדני יהוה דבר כי אם גלה סודו אל עבדיו הנביאים ⁸ אריה שאג מי לא יירא אדני יהוה דבר מי לא ינבא ⁹ השמיעו על ארמנות באשדוד ועל ארמנות בארץ מצרים ואמרו האספו על הרי שמרון וראו מהומת רבות בתוכה ועשוקים בקרבה ¹⁰ ולא ידעו עשות נכחה נאם יהוה האוצרים חמס ושד בארמנותיהם ¹¹ לכן כה אמר אדני יהוה צר וסביב הארץ והורד ממך עזך ונבזו ארמנותיך ¹² כה אמר יהוה כאשר יציל הרעה מפי הארי שתי כרעים או בדל און כן ינצלו בני ישראל הישבים בשמרון בפאת מטה ובדמשק ערש ¹³ שמעו והעידו בבית יעקב נאם אדני יהוה אלהי הצבאות ¹⁴ כי ביום פקדי פשעי ישראל עליו ופקדתי על מזבחות בית אל ונגדעו

כזביהם אשר הלכו אבותם אחריהם ⁵ ושלחתי אש ביהודה ואכלה ארמנות ירושלם ⁶ כה אמר יהוה על שלשה פשעי ישראל ועל ארבעה לא אשיבנו על מכרם בכסף צדיק ואביון בעבור נעלים ⁷ השאפים על עפר ארץ בראש דלים ודרך ענוים יטו ואיש ואביו ילכו אל הנערה למען חלל את שם קדשי ⁸ ועל בגדים חבלים יטו אצל כל מזבח ויין ענושים ישתו בית אלהיהם ⁹ ואנכי השמדתי את האמרי מפניהם אשר כגבה ארזים גבהו וחסן הוא כאלונים ואשמיד פרוי ממעל ושרשיו מתחת ¹⁰ ואנכי העליתי אתכם מארץ מצרים ואולך אתכם במדבר ארבעים שנה לרשת את ארץ האמרי ¹¹ ואקים מבניכם לנביאים ומבחוריכם לנזרים האף אין זאת בני ישראל נאם יהוה ¹² ותשקו את הנזרים יין ועל הנביאים צויתם לאמר לא תנבאו ¹³ הנה אנכי מעיק תחתיכם כאשר תעיק העגלה המלאה לה עמיר ¹⁴ ואבד מנוס מקל וחזק לא יאמץ כחו וגבור לא ימלט נפשו ¹⁵ ותפש הקשת לא יעמד וקל ברגליו לא ימלט ורכב הסוס לא ימלט נפשו ¹⁶ ואמיץ לבו בגבורים ערום ינוס ביום ההוא נאם יהוה ^פ

מצרים הרגתי בחרב בחוריכם עם שבי
 סוסיכם ואעלה באש מחניכם ובאפכם
 ולא שבתם עדי נאם יהוה¹¹ הפכתי בכם
 כמהפכת אלהים את סדם ואת עמרה
 ותהיו כאוד מצל משרפה^{pQ} ולא שבתם
 עדי נאם יהוה ם¹² לכן כה אעשה לך
 ישראל עקב כי זאת אעשה לך הכון
 לקראת אלהיך ישראל¹³ כי הנה יוצר
 הרים וברא רוח ומגיד לאדם מה שחו
 עשה שחר עיפה ודרך על במתי ארץ
 יהוה אלהי צבאות שמו ם

5 שמעו את הדבר הזה אשר אנכי נשא
 עליכם קינה בית ישראל² נפלה לא
 תוסיף קום בתולת ישראל נטשה על
 אדמתה אין מקימה³ כי כה אמר אדני
 יהוה העיר היצאת אלף תשאר מאה
 והיוצאת מאה תשאר עשרה לבית
 ישראל ם⁴ כי כה אמר יהוה לבית
 ישראל דרשוני וחיו⁵ ואל תדרשו בית אל
 והגלגל לא תבאו ובאר שבע לא תעברו
 כי הגלגל גלה יגלה ובית אל יהיה
 לאון⁶ דרשו את יהוה וחיו פן יצלח כאש
 בית יוסף ואכלה ואין מכבה לבית
 אל⁷ ההפכים ללענה משפט וצדקה
 לארץ הניחו⁸ עשה כימה וכסיל והפך
 לבקר צלמות ויום לילה החשיך הקורא

קרנות המזבח ונפלו לארץ¹⁵ והכיתי בית
 החרף על בית הקיץ ואבדו בתי השן
 וספו בתים רבים נאם יהוה ם

4 שמעו הדבר הזה פרות הבשן אשר
 בהר שמרון העשקות דלים הרצצות
 אביונים האמרת לאדניהם הביאה
 ונשתה² נשבע אדני יהוה בקדשו כי הנה
 ימים באים עליכם ונשא אתכם בצנות
 ואחריתכן בסירות דוגה³ ופרצים תצאנה
 אשה נגדה והשלכתנה ההרמונה נאם
 יהוה⁴ באו בית אל ופשעו הגלגל הרבו
 לפשע והביאו לבקר זבחיכם לשלשת
 ימים מעשרתיכם⁵ וקטר מחמץ תודה
 וקראו נדבות השמיעו כי כן אהבתם בני
 ישראל נאם אדני יהוה⁶ וגם אני נתתי
 לכם נקיון שנים בכל עריכם וחסר לחם
 בכל מקומתיכם ולא שבתם עדי נאם
 יהוה⁷ וגם אנכי מנעתי מכם את הגשם
 בעוד שלשה חדשים לקציר והמטרתי על
 עיר אחת ועל עיר אחת לא אמטיר
 חלקה אחת תמטר וחלקה אשר לא
 תמטיר עליה תיבש⁸ ונעו שתים שלש
 ערים אל עיר אחת לשתות מים ולא
 ישבעו ולא שבתם עדי נאם יהוה⁹ הכיתי
 אתכם בשדפון ובירקון הרבות גנותיכם
 וכרמיכם ותאניכם וזיתיכם יאכל הגזם
 ולא שבתם עדי נאם
 יהוה ם¹⁰ שלחתי בכם דבר בדרך

Q Marks a place where we agree with BHQ against BHS in reading L.

p We read punctuation in L differently from BHS.

כמים משפט וצדקה כנחל
 איתן²⁵ הזבחים ומנחה הגשתם לי
 במדבר ארבעים שנה בית
 ישראל²⁶ ונשאתם את סכות מלככם ואת
 כיון צלמיכם כוכב אלהיכם אשר עשיתם
 לכם²⁷ והגליתי אתכם מהלאה לדמשק
 אמר יהוה אלהי צבאות שמו פ

6 הוי השאננים בציון והבטחים בהר
 שמרון נקבי ראשית הגוים ובאו להם בית
 ישראל² עברו כלנה וראו ולכו משם
 חמת רבה ורדו גת פלשתים^U הטובים מן
 הממלכות האלה אם רב גבולם
 מגבלכם³ המנדים ליום רע ותגישון שבת
 חמס⁴ השכבים על מטות שן וסרחים על
 ערשותם ואכלים כרים מצאן ועגלים
 מתוך מרבק⁵ הפרטים על פי הנבל כדויד
 חשבו להם כלי שיר⁶ השתים במזרקי יין
 וראשית שמנים ימשחו ולא נחלו על
 שבר יוסף^{pQ}⁷ לכן עתה יגלו בראש גלים
 וסר מרזח סרוחים פ
⁸ נשבע אדני יהוה בנפשו נאם יהוה אלהי
 צבאות מתאב אנכי את גאון יעקב
 וארמנתיו שנאתי והסגרתי עיר
 ומלאה⁹ והיה אם יותרו עשרה אנשים

למי הים וישפכם על פני הארץ יהוה
 שמו ס⁹ המבליג שד על עז ושד על
 מבצר יבוא¹⁰ שנאו בשער מוכיח ודבר
 תמים יתעבו¹¹ לכן יען בושסכם על דל
 ומשאת בר תקחו ממנו בתי גזית בניתם
 ולא תשבו בם כרמי חמד נטעתם ולא
 תשתו את יינם¹² כי ידעתי רבים פשעיכם
 ועצמים חטאתיכם צררי צדיק לקחי כפר
 ואביונים בשער הטו¹³ לכן המשכיל בעת
 ההיא ידם כי עת רעה היא¹⁴ דרשו טוב
 ואל רע למען תחיו ויהי בן יהוה אלהי
 צבאות אתכם כאשר אמרתם¹⁵ שנאו
 רע ואהבו טוב והציגו בשער משפט אולי
 יחנן יהוה אלהי צבאות שארית
 יוסף ס¹⁶ לכן כה אמר יהוה אלהי
 צבאות אדני בכל רחבות מספד ובכל
 חוצות יאמרו הו וקראו אכר אל אבל
 ומספד אל יודעי נהי¹⁷ ובכל כרמים
 מספד כי אעבר בקרבך אמר
 יהוה ס¹⁸ הוי המתאווים את יום יהוה
 למה זה לכם יום יהוה הוא חשך ולא
 אור¹⁹ כאשר ינוס איש מפני הארי ופגעו
 הדב ובא הבית וסמך ידו על הקיר ונשכו
 הנחש²⁰ הלא חשך יום יהוה ולא אור
 ואפל ולא נגה לו²¹ שנאתי מאסתי חגיכם
 ולא אריח בעצרתים²² כי אם תעלו לי
 עלות ומנחתים לא ארצה ושלם
 מריאיכם לא אביט²³ הסר מעלי המון
 שריך וזמרת נבליך לא אשמע²⁴ ויגל

U We agree with both BHS 1997 and BHQ on an unexpected reading.

Q Marks a place where we agree with BHQ against BHS in reading L.

p We read punctuation in L differently from BHS.

עבור לו⁹ ונשמו במות ישחק ומקדשי
ישראל יחרבו וקמתי על בית ירבעם
בחרב פ

¹⁰ וישלח אמציה כהן בית אל אל ירבעם
מלך ישראל לאמר קשר עליך עמוס
בקרב בית ישראל לא תוכל הארץ להכיל
את כל דבריו¹¹ כי כה אמר עמוס בחרב
ימות ירבעם וישראל גלה יגלה מעל
אדמתו פ ¹² ויאמר אמציה אל עמוס
חזה לך ברח לך אל ארץ יהודה ואכל
שם לחם ושם תנבא¹³ ובית אל לא
תוסיף עוד להנבא כי מקדש מלך הוא
ובית ממלכה הוא פ ¹⁴ ויען עמוס
ויאמר אל אמציה לא נביא אנכי ולא בן
נביא אנכי כי בוקר אנכי ובולס
שקמים¹⁵ ויקחני יהוה מאחרי הצאן
ויאמר אלי יהוה לך הנבא אל עמי
ישראל¹⁶ ועתה שמע דבר יהוה אתה
אמר לא תנבא על ישראל ולא תטיף על
בית ישחק¹⁷ לכן כה אמר יהוה אשתך
בעיר תזנה ובניך ובנותיך בחרב יפלו
ואדמתך בחבל תחלק ואתה על אדמה
טמאה תמות וישראל גלה יגלה מעל
אדמתו פ

8 כה הראני אדני יהוה והנה כלוב
קיץ² ויאמר מה אתה ראה עמוס ואמר
כלוב קיץ ויאמר יהוה אלי בא הקץ אל
עמי ישראל לא אוסיף עוד עבור

בבית אחד ומתו¹⁰ ונשאו דודו ומסרפו
להוציא עצמים מן הבית ואמר לאשר
בירכתי הבית העוד עמך ואמר אפס
ואמר הס כי לא להזכיר בשם יהוה¹¹ כי
הנה יהוה מצוה והכה הבית הגדול
רסיסים והבית הקטן בקעים¹² הירצון
בסלע סוסים אם יחרוש בבקרים כי
הפכתם לראש משפט ופרי צדקה
ללענה¹³ השמחים ללא דבר האמרים
הלוא בחזקנו לקחנו לנו קרנים¹⁴ כי הנני
מקים עליכם בית ישראל נאם יהוה אלהי
הצבאות גוי ולחצו אתכם מלבוא חמת
עד נחל הערבה פ

7 כה הראני אדני יהוה והנה יוצר גבי
בתחלת עלות הלקש והנה לקש אחר גזי
המלך² והיה אם כלה לאכול את עשב
הארץ ואמר אדני יהוה סלח נא מי יקום
יעקב כי קטן הוא³ נחם יהוה על זאת לא
תהיה אמר יהוה⁴ כה הראני אדני יהוה
והנה קרא לרב באש אדני יהוה ותאכל
את תהום רבה ואכלה את החלק⁵ ואמר
אדני יהוה חדל נא מי יקום יעקב כי קטן
הוא⁶ נחם יהוה על זאת גם היא לא
תהיה אמר אדני יהוה פ ⁷ כה הראני
והנה אדני נצב על חומת אנך ובידו
אנך⁸ ויאמר יהוה אלי מה אתה ראה
עמוס ואמר אנך ויאמר אדני הנני שם
אנך בקרב עמי ישראל לא אוסיף עוד

9 ראייתי את אדני נצב על המזבח ויאמר הך הכפתור וירעשו הספים ובצעם בראש כלם ואחריתם בחרב אהרג לא ינוס להם נס ולא ימלט להם פליט² אם יחתרו בשאול משם ידי תקחם ואם יעלו השמים משם אורידם³ ואם יחבאו בראש הכרמל משם אחפש ולקחתים ואם יסתרו מנגד עיני בקרקע הים משם אצוה את הנחש ונשכם⁴ ואם ילכו בשבי לפני איביהם^U משם אצוה את החרב והרגתם ושמתי עיני עליהם לרעה ולא לטובה⁵ ואדני יהוה הצבאות הנוגע בארץ ותמוג ואבלו כל יושבי בה ועלתה כיאר כלה ושקעה כיאר מצרים⁶ ^{pQ} הבונה בשמים מעלותו מעלותיו ואגדתו על ארץ יסדה הקרא למי הים וישפכם על פני הארץ יהוה שמו⁷ הלוא כבני כשיים אתם לי בני ישראל נאם יהוה הלוא את ישראל העליתי מארץ מצרים ופלשתיים מכפתור וארם מקיר⁸ הנה עיני אדני יהוה בממלכה החטאה והשמדתי אתה מעל פני האדמה אפס כי לא השמיד אשמיד את בית יעקב נאם יהוה⁹ כי הנה אנכי מצוה והנעותי בכל הגוים את בית ישראל כאשר ינוע בכברה ולא יפול צרור

לו³ והלילו שירות היכל ביום ההוא נאם אדני יהוה רב הפגר בכל מקום השליך הס פ⁴ שמעו זאת השאפים אביון ולשבית עניי⁵ ארץ לאמר מתי יעבר החדש ונשבירה שבר והשבת ונפתחה בר להקטין איפה ולהגדיל שקל ולעות מאזני מרמה⁶ לקנות בכסף דלים ואביון בעבור נעלים ומפל בר נשביר⁷ נשבע יהוה בגאון יעקב אם אשכח לנצח כל מעשיהם⁸ העל זאת לא תרגו הארץ ואבל כל יושב בה ועלתה כאר כלה ונגרשה ונשקה⁹ ונשקעה כיאר מצרים ס⁹ והיה ביום ההוא נאם אדני יהוה והבאתי השמש בצהרים והחשכתי לארץ ביום אור¹⁰ והפכתי חגיכם לאבל וכל שיריכם לקינה והעליתי על כל מתנים שק ועל כל ראש קרחה ושמתי כאל יחיד ואחריתה כיום מר¹¹ הנה ימים באים נאם אדני יהוה והשלחתי רעב בארץ לא רעב ללחם ולא צמא למים כי אם לשמע את דברי יהוה¹² ונעו מים עד ים ומצפון ועד מזרח ישוטטו לבקש את דבר יהוה ולא ימצאו¹³ ביום ההוא תתעלפנה הבתולת היפות והבחורים בצמא¹⁴ הנשבעים באשמת שמרון ואמרו חי אלהיך דן וחי דרך באר שבע ונפלו ולא יקומו עוד ס

U We agree with both BHS 1997 and BHQ on an unexpected reading.

Q Marks a place where we agree with BHQ against BHS in reading L.

p We read punctuation in L differently from BHS.

ארץ¹⁰ בחרב ימותו כל חטאי עמי
האמרים לא תגיש ותקדים בעדינו
הרעה¹¹ ביום ההוא אקים את סכת דויד
הנפלת וגדרתי את פרציהן והרסתיו
אקים ובניתיה כימי עולם¹² למען יירשו
את שארית אדום וכל הגוים אשר נקרא
שמי עליהם נאם יהוה עשה זאת פ
הנה ימים באים נאם יהוה ונגש חורש¹³
בקצר ודרך ענבים במשך הזרע והטיפו
ההרים עסיס וכל הגבעות
תתמוגגנה¹⁴ ושבתי את שבות עמי
ישראל ובנו ערים נשמות וישבו ונטעו
כרמים ושתו את יינם ועשו גנות ואכלו
את פריהם¹⁵ ונטעתים על אדמתם ולא
ינתשו עוד מעל אדמתם אשר נתתי להם
אמר יהוה אלהיך

End of Amos

The Westminster Leningrad Codex

Version 4.16

Amos

Attributed to:

Shemu'el ben Ya'akov
Aharon ben-Mosheh ben-Asher
ca 1008

Active maintenance of machine-readable version:

Stephen K. Salisbury, Editor
steve@grovescenter.org

Kirk E. Lowery, Senior editor
kirk@grovescenter.org

Transcription to Unicode/XML:

Christopher V. Kimball
transcriber@tanach.us

Edition:

Unicode/XML Westminster Leningrad Codex

<http://www.tanach.us/Tanach.xml>

Transcribed by WLC2XML of 6 Jun 2010 at 01 Jun 2012 @ 10:24:07. Build number:
23.0. Converted to ODT by XML2ODT.xml dated 22 Dec 2010 on 2012.06.01-10.27.
Build number: 23.0 . 8 pages. Layout: Full; Content: Consonants.

This document is in the public domain.